



## Portaria sobri Siguransa na Konstruson & Dimulison – Diklarason Juradu di Planu di Siguransa di Óbra (KRIOLU DI KABU VERDI)

*Pesoa ki ten lisénsa y ki sina dibaxu (“Pesoa ki ten lisénsa”) ta sertifika siginti, sob péna di perjúriu:*

*Pesoa ki ten lisénsa ta rikunhese priokupasons di Kámara Munisipal en rilason a siguransa na lokais di trabadju di prujétus, y ma Kámara Munisipal dja implimenta nóvus rigulaméntu pa riduzi asidentis na lokais di trabadju y pértu di la. Pesoa ki ten lisénsa ta konkorda ma dj’el lê y ma dj’el intende Kódigu, Portarias, Kapítulu 16-65, Portaria ki ta Rigula Operasons di Konstruson y Dimulison na Sidadi di Boston (Portaria) di Kámara Munisipal di Boston, y ma el ta ben rializa ses operason ruspetandu rigurózamenti tudu obrigason, orientason y rikizitu ki kel Portaria ta iziji.*

*Pesoa ki ten lisénsa sabe ma é risponsabilidadadi di Pesoa ki ten lisénsa, di dizenvolve, mante y sigi un Planu skritu di Siguransa, spisífiku pa prujétu, y di spisífika módi ki el ta ben kunpri ses obrigason.*

*Pesoa ki ten lisénsa ta rikunhese ma ninhun dispuzison di Portaria ta iziji Dipartaméntu di Sirvisus di Inspeson, ô otu entidadi di Kámara Munisipal, pa interpreta ô aplika kualker rigulaméntu di saúdi y siguransa di Administrason di Siguransa y Saúdi Okupasional (“OSHA”), ki ta rigula siguransa di pesoas inpregadu na operasons di konstruson ô dimulison, y ma Pesoa ki ten lisénsa ten tudu risponsabilidadadi di garanti ma tudu algen ta kunpri rigulaméntus di OSHA.*

*Pesoa ki ten lisénsa ta sertifika ma dj’el kria y dj’el implimenta un Planu di Siguransa di Óbra pa kel lokal ki dadu lisénsa, y ma kel planu ta kunpri, y ta satisfaze, tudu rigulaméntu, obrigason, orientason y rikizitu ki Portaria ta iziji. Spisífikamenti, Pesoa ki ten lisénsa ta sertifika ma kel Planu di Siguransa pa es lokal ta difini prutesons planiada kóntra pusíveis prigu pa pesoas na lokal di prujétu, pa públiku, y pa propiedadadi di operasons di konstruson y dimulison, y ma el ta kunpri rikizitus ki Dipartaméntu difini, di akordu ku Bulitin di Kumisáriu CB2023-04. Pesoa ki ten lisénsa ta sertifika tanbe ma tudu Subinpreteru, Sub-subinpreteru y otus párti ki ta rializa trabadju na lokal di trabadju di Prujétu, tanbe ta ben kunpri y satisfaze kes rikizitu la. Pesoa ki ten lisénsa ta rikunhese ma el ten tudu risponsabilidadadi di garanti ma subinpreterus ta kunpri Portaria.*

*Pesoa ki ten lisénsa ta sertifika ma el ta ben kunpri tudu rikizitu operasional di Portaria y prusidiméntus administrativu asociadu di Bulitin di Kumisáriu, inkluidu Orientasons di Siguransa di Óbra, Rivizons Anual, Riunions di Siguransa Antis di Turnu, manutenson di rijistus relevanti, notifikasons izijidu, y ma el ta dispunibiliza dokumentason ki Dipartaméntu di Sirvisus di Inspeson y/ô ses Inspetoris y Ofisiais di Konstruson pidi, di akordu ku Portaria.*

*Pesoa ki ten lisénsa ta rikunhese y ta konkorda ma, si el ka kunpri kualker di kes rikizitu ki sta indikadu diriba, inkluidu si el ka kunpri kel Planu di Siguransa di Óbra di-sel, trabadju ki sta en andaméntu pode ser suspendedu ô inseradu, ô lisénsa ki Kámara Munisipal da pa kel trabadju pode ser rivogadu; nu entantu, Kámara Munisipal ta rizerva direitu di da Pesoa ki ten lisénsa un oportunidadi di kuriji ô rizolve kes violason imediatamenti, antis di Kámara Munisipal imiti un suspenson ô inseraméntu di trabadju en andaméntu ô rivogason di lisénsa ki Kámara Munisipal da pa kel trabadju.*

---

Nómi di Pesoa ki ten lisénsa

Sinatúra

Data

---

Inderésu di Prujétu